

Visoki predstavnik se namjerava obratiti Parlamentarnoj skupštini BiH

Visoki predstavnik, Paddy Ashdown, će se obratiti Parlamentarnoj skupštini BiH na sjednici koja je zakazana za utorak, 16. juli 2002. godine. Visoki predstavnik se 26. jula 2002. godine također namjerava obratiti i Narodnoj skupštini Republike Srpske, a 30. jula 2002. godine Parlamentu Federacije BiH. Ovo obraćanje Parlamentima predstavlja dio politike Visokog predstavnika da djeluje kroz bh. institucije, gdje je to moguće ostvariti.

Visoki predstavnik će pozvati članove Parlamenta da usvoje zakone koji su u parlamentarnoj proceduri kako bi se pomoglo jačanje sistema krivičnog prava i otvorila radna mjesta za građane BiH.

U svom prvom obraćanju Parlamentarnoj skupštini, na dan kada je preuzeo svoju dužnost u Bosni i Hercegovini, Visoki predstavnik je svoje prioritete definirao kao "prvo zakonitost, zatim zapošljavanje, putem reformi". U svom obraćanju u utorak Visoki predstavnik će reći nešto više o ovoj temi.

Korupcija i organizirani kriminal su osiromašili stotine hiljada građana BiH i omogućile bogaćenje malog broja kriminalaca i korumpiranih birokrata i političara. Visoki predstavnik će pozvati članove Parlamenta da okončaju ovu skandaloznu situaciju putem usvajanja zakona koji su potrebni za uspostavu Posebnih odjela Suda BiH za rješavanje slučajeva organiziranog i privrednog kriminala, te korupcije. Visoki predstavnik je prošlog mjeseca započeo proces uspostave ovih Posebnih odjela Suda BiH.

Proces konsolidacije jedinstvenog ekonomskog prostora u BiH se više ne smije odlagati ukoliko se želi osigurati započinjanje novih poslovnih aktivnosti i proširivanje postojećih kapaciteta. Visoki predstavnik će pozvati članove Parlamenta da prestanu s taktikom opstrukcionizma zbog koje je prolongirano usvajanje neophodnih zakona iz oblasti ekonomije i onemogućeno zapošljavanje građana zbog kratkoročnih političkih sebičnih interesa. Uz to, Visoki predstavnik će pozvati na hitno usvajanje paketa zakona kojima se regulira sektor poljoprivrede, komunalnih usluga i poslovanja.